

<County: Shropshire>

<Code: L0418>

<MS reference: London PRO E40/7587>

<Text: Lease>

<first word beneath the stamp of an archive, prob. This> endenture made be-twixe Ric~ Archer Squier on~ þ^e oon~ partie And william Barker william wermot Roger Cattystre & Roger Barker on~ þ^e oþer partie wittenesseth þ^t þ^e forseid Ric~ hath dimised & late to ferme to þ^e forseid william Roger & Roger certein londes called þ^e Newhalfeld webbecroft & shawebury as it is includyt beo cert~ meres heggys & dyches fro þ^e Brodepit vpon~ þ^e parke Combe<?> vnto chirchfeld & folowyng~ chirchfeld vnto A Mer~ called Croked Oke w^t þ^e closur~ be-twixe hit & þ^e newe parke to haue & to holde þ^e forseid londes to þ^e forseid william Barker william wermot Roger & Roger fro þ^e fest of þ^e Puryficon@ of our~ lady in þ^e yere of þ^e Reigne of kyng~ harry þ^e sixte þ^e xxxvjth vntoe þ^e ende & terme of ten yere þen next folowyng~ plenary to beo fulfyllyd yildyng~ þerfore yerly duryng~ þ^e seid terme fourty shelynges sterlinges atte festes of þ^e Natiuite of Seint John Baptist & Seint Michell þ^e Archaungell beo euen~ porcouns And yit happen@ þ^t þ^e forseid Annuell rent of fourty Shelinges beo behynde vn-payd in parte or in all Atte ony of þ^e festes Aforeseid þ^t þen it shall be lawefull to þ^e forseid Ric~ his heir~ & his Assignes in-to all & singuler~ londes Aforeseid to entr~ & to distreyne & distresses so taken~ lefully to dryve A-waye & A-yenst hym to w^t holde tyll þ^e forseid rent w^t all þ^e arrerag~ þerof what soe euer þei beo to þem beo fully payd Also hit shall be lawefull for þ^e seid william william Roger & Roger atte all tymes duryng~ þ^e seid terme for to stokke & hewe vppe be þ^e Rotes all maner of Busshes þornes & trees growyng~ vpon~ þ^e seid londe excepte Oke asshe & Crabbe tree And alsoe þei shall haue syxe+hogges yerly duryng~ þ^e seid terme in tyme of pannage when hit falleth free w^t-oute ony þinge payng~ for þem or elles to kepe & holde þ^e seid londes seuerall in þ^e seid tyme of pannage atte choise of þ^e seid Ric~ In wittenes wherof to þis present endentures þ^e parties A-boveseid enterchaungeably haue putte þer Seall in þ^e forseid fest of þ^e Puryficon@



of our~ lady þ^e yere of reigne of kyng~ harry þ^e sixte þ^e xxxvj^{eth}
Alsoe hit shall beo lefull to þ^e foreseid william william Roger & Roger atte all seasonable tymes
duryng þ^e seid *terme* to take
als moch wode & trouse vpon~ þ^e seid londe growyng~ as is sufficiaunt for closur~ of all þ^e seid
londes to þ^e closur~ of þ^e seid londres
soe þ^t þ^e seid londres beo by þem sufficauntly closed